

Dat aale Dorp an dän Dick

*Ek meen, dat wor en glöckleche Stond,
als op dat wije Erdenrond
ons' Herrgott met sinne liewe Hand
det wunderschöne Flecksken Land
diep onder dän hoogen Hemmelsdom
geschmiegt had an dän selwernen Strom.
Hier stelden „Heij“ Menzen op de Erd,
die kannden genau öhren eigenen Wert,
met fasten Senn on starken Well.¹
Sej hadden öhre besonderen Drööm
van Appel-, Prummen- on Pärenbööm,
van en eigen Hus met en Garden dorbei
on en Bongert met bettjen Weierej²
on noch dortu op jeden Fall
en kregel Pögsken³ inne Stall.
So koomen turech sej on woren nit rick
achter, an on längs dän Dick.*

*Wat gow et owes op dän Desch?
Ärpels met Speckzaus oder blende Fesch⁴,
⁵Katt inne Sack on Rissepapp,
Knüddelkessupp⁶, ok Hakkepapp⁶,
jo, döckers ok en vollen Pott
met Brörpelssupp⁷ on Hawergott⁸.
En ganz besonders lecker Gedeck
wor Buckweitepannekuk met Speck.
Gebrojenen Pannas met Rübenkrut
schmiek alt on jong besonders gut.
So worden wej Pös, — dat Geld wor knapp —,
gesond on groot bej Ärpels on Papp,
on onse Backen worden rot
van Bottermelksupp on Roggenbrot,
van Obst, fresch vanne Bööm inne Mond,
van Kappes on Schlaat⁹ op besten Grond.
Wej woren tufrejen on glöcklech tuglick
achter, an on längs dän Dick.*

*Dän decken Jan on langen Pitt,
die hadden in'n Herws ömmer ricklech Tid.
Sej gengen met Kasper, Fretz on Jän
na de Krutstökerej¹⁰ bei Hermen on Henn.
Stoon heet dän Kätel op Glut on Brand,
dann keeken sej öwer dän kopernen¹¹ Rand
on schnupperden glöcklech dat schümmende Blut
van Appel- oder Rübenkrut.
Sej soten gemäcklech dech bej dat Fүүr
on hadden en Prot öwer Afgawen on Stүүr,
öwer Rügen, Wend on Hagelschlag
on wat so passierden dän liewen Dag
op Kenddoop, Hochtide, Geburtsdagsfier
bej Koffie, Kuk on Schnaps on Bier.
Dann koom de Sprok op Poggen on Perd,
wievöl oppe Maat¹² de Kwetsen¹³ wert.
Dat wechtegste Thema wor Politik
achter an on längs dän Dick.*

*Op Nottetermes, dat schöne Fes(t),
dor wor dat Hus gerammelt voll Gäs(t).
Dann koomen all die liewen Verwandten,
die Vedders, Kusinen, Ohmen on Tanten
van Stadt on Land, wett Gott wie witt,
dessits de Rhin on van gönt Sitt.¹⁴
Die Möpskesbuden, Schaukeln, dat Zelt,
wat wor dat för en bonte Welt!
Selws Grotvader danzt för sin Läwen gern
met Grotmoder, sinnen liewen Stern,
ma beide koomen nit ganz turech,
öhre Bückskes¹⁵ stoonen sech inne Wäg.
On dann die Jugend, Arm in Arm,
üt Hamm on Löhnen, Möllen on Mahrm!¹⁶
Dä Welm foon sin Ann on Gerd sin' Kathrin
on Ditz sin' Drüken on Hienn sinne Stinn.
Sej köbten sech warm bej Walzermusik
achter, an on längs dän Dick.*

*En ganz besondere Sensation
woren die Daag, wenn dän Dokter koom.
Hej had en Auto ganz alleen
on bruust dormet öwer Stöck on Steen.
On tuckert sin Fahrgestell öwer Land,
dann sümde¹⁷ die Grooten dän Strottenrand.
Wej Blagen dossen nit speelen mehr butten.
Dröm wor'n an de Schiewen mehr Schnutten¹⁸ als Rutten.¹⁹*

Grotmoder dehj sech wenneg dran schieren.²⁰
Sej wor bej en Nohber Geburtsdag fieren.
Op ens sät sej stramm: „Ek maak nau Schluß.
Dä Koffie wor wörklech en Hochgenuß.
Ek dehj noch gern en Köppken probieren,
ma nau mot dat Schop on de Hipp ek tieren²¹
on höjen de Kuh an dän Strotenrand.
Wej send met ons Gras schier afgebrannt.“
So leit²² sej de Kuh an de Kett oder Strick
achter, an on längs dän Dick.

Gemäcklech treckt de Tid öwer Land.
Wat brengt sej ons? Wej lustern²³ gespannt.
Oppe Kerkhoff die Aalen onder Blumen on Bööm
besüken ons stell in nächtleche Drööm.
Wat früher wor — vörbej, vörbej!
Alles strömt, word anders on nej.
Dä Mensch, verwägen, grippt na de Stern
on fend in'n Hemmel können mächtigen Herrn.
Heij fällt in en endlosen Hiorizont,
fühlt nörgeswor Halt on fasten Grond,
ma glöwt voll Angs on Ironie
an Elektrizität on Atomenergie.
Heij spürt dorbej en Sehnsuchtsbrand
na Frieden, Ruh' on en Heimatland.
Wat ömmer ok met de Welt passiert,
af schöner sej word oder kompliziert,
²⁴ Frejen on Sterwen bliewen sich glick
achter, an on längs dän Dick.

H. Scholten

1 Willen, 2 Weideland, 3 Schweinchen, 4 stark gewürzte Bratkartoffeln aus rohen Kartoffelscheiben, 5 Graupen und Reisgericht, das mit Dörrobst und Rosinen in einem Leinensäckchen gekocht wird, 6 Weizenmehl-Milchspeise, 7 Milchsuppe mit Dörrobst, 8 Hafergrütze, 9 Salat, 10 Krautstocherei, 11 kupfern, 12 Markt, 13 Zwetschgen, 14 von der anderen Rheinseite, 15 Bäuchlein, 16 Mehrum, 17 säumten, 18 Mäuler, 19 Fensterscheiben, 20 kümmern, 21 anpflocken, 22 führt, 23 lauschen, 24 Freien.